



REPUBLIKA E SHQIPËRISË  
AVOKATI I POPULLIT



Adresa: Bulevardi: "Zhan D'Ark" Nr.2  
Tiranë, Shqipëri

Tel/Fax: +355 4 2380 300/315  
E-mail: [ap@avokatipopullit.gov.al](mailto:ap@avokatipopullit.gov.al)  
[www.avokatipopullit.gov.al](http://www.avokatipopullit.gov.al)

Nr. 05

Prot.

Tiranë 12/10/2017

**Lënda :** Për procedurën e paraqitjes së listës së avokatëve për anëtarë të Komisionit të Pavarur "Ad hoc", për verifikimin paraprak të kushteve ligjore dhe kritereve profesionale dhe morale, si dhe renditjen e avokatëve, që kandidojnë për anëtarë të Këshillit të Lartë të Gjyqësor dhe Këshillit të Lartë të Prokurorisë.

**Drejtuar :** Kryetarit të Këshillit Drejtues,  
të Dhomës Kombëtare të Avokatisë së Shqipërisë  
Z. Maksim HAXHIA

Tiranë

I nderuar z. Haxhia,

Një nga momentet kryesore të zbatimit të reformës në drejtësi, lidhet me zbatimin e dispozitiveve të Ligjit nr.115/2016 datë 3.11.2016 "Për organet e qeverisjes së sistemit së sistemit të drejtësisë", i cili ka për objekt dhe qëllimon ndër të tjera, organizimin dhe funksionimin e Këshillit të Lartë Gjyqësor, si dhe të Këshillit të Lartë të Prokurorisë.

Në këtë kontekst, ligji ka parashikuar procedurën e zgjedhjes së anëtarëve jogjyqtarë të këtyre dy organeve të rëndësishme të qeverisjes së sistemit të drejtësisë, duke përcaktuar kompetenca konkrete që duhet të ushtrohen gjatë këtij procesi nga ana e Avokatit të Popullit, si dhe nga ana e Dhomës Kombëtare të Avokatisë së Shqipërisë.

Më lejoni të sjell në vëmendjen tuaj kompetencën dhe detyrimin ligjor të parashikuar për Dhomën Kombëtare të Avokatisë së Shqipërisë, sa i takon paraqitjes së listës së avokatëve për anëtarë të Komisionit të Pavarur "Ad hoc", për verifikimin paraprak të kushteve ligjore dhe kritereve profesionale dhe morale, si dhe renditjen e avokatëve që kandidojnë për, anëtarë të Këshillit të Lartë të Gjyqësor (pika 1 e nenit 25), dhe anëtarë të Këshillit të Lartë të Prokurorisë (pika 1 e nenit 123).

Eshtë e nevojshme ndërkohë, që të mbahen parasysh në ezaurimin e kësaj pjese të procesit nga ana e Dhomës Kombëtare të Avokatisë së Shqipërisë, afatet respektive për paraqitjen e listës së Avokatëve për anëtarë

të Komisionit të Pavarur "Ad hoc", për verifikimin paraprak të kushteve ligjore dhe kritereve profesionale dhe morale, si dhe renditjen e avokatëve që kandidojnë për anëtarë të Këshillit të Lartë të Gjyqësor (pika 1 e nenit 25), dhe anëtarë të Këshillit të Lartë të Prokurorisë (pika 1 e nenit 123).

Për një koordinim sa më të mirë dhe ecuri normale të punës, nëpërmjet kësaj shkresë ju shprehim konsideratën dhe besimin për bashkëpunimin e frytshëm, për zhvillimin sa më korrekt të këtij procesi.

**SEKRETARI I PËRGJITHSHËM**



**Fatbardh ZENELAJ**